



國家清史編纂委員會·文獻叢刊

清代詩文集彙編



國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 一二六

東觀草一卷使荆草一卷折柳草一卷奚囊草一卷盍簪草一卷西山紀遊一卷

南歸草一卷歸雲洞草一卷據梧閣草一卷津逮樓草一卷

周金然撰

一

飲醇堂文集二十卷抱邾廬詩草十一卷娛暉草二卷和靖節集三卷

南浦詞三卷和昌谷集一卷

周金然撰

一一七

礪巖續文部二十卷礪巖續文部二集十三卷

周金然撰

四〇九

院華軒主署藏



廣庵詩草


五種



周廣庵詩五種計二冊典選
鈔本春秋直解等書均於
民國甲子中元後一日得於
故紙堆中係溧陽虞士童
君舊物也子孫不肖手澤概
棄特誌之以寄感并以此後人
珠中錫福藏

東觀草

序



吾友周洗馬廣菴命世才也學行兼優嘗
以古人自期待其讀書不務章句著作等
身精工翰墨八法而外旁通繪事偶一渲
染輒臻逸品尤自秘惜人爭購之不可得
居家以孝友著歷官禁近風節皎然與余
有同年之雅歸莫逆焉已卯典試山右勞
勤疾作告歸田里以養疴歲月手輯前後

詩稿數種授歙劉氏乞余一言弁其首廣
菴於詩自漢魏六朝以至唐宋元人無不
穿穴其性所最近而篤好者尤在康樂雲
間為二陸所產之地代有詞人自頃陳大
樽諸君以風華綺麗為倡導一時翕然宗
之後進師承寢以靡弱廣菴家海上獨不
喜為華縟之體天才特高無所不規模率
能自闢堂戶性好山水每欣然獨往流連

竟日形之詩歌瀟灑清拔不減初日芙蓉
生二陸之鄉而為康樂之詩其可謂大雅
不羣者歟是稿出其行遠傳世無疑也雖
然文章一小技於道未為尊廣菴以不世
出之才負朝野重望今雖東山暫憇佇即
起而霖雨蒼生方志切經綸豈徒求工吟
咏詩卷長留孰與勲業廣被則茲數編亦
興所偶寄焉尔若謂報國惟有文章余知

二

廣菴必曰吾意固在此不在彼也是為序
康熙庚辰秋七月年眷弟史夔拜撰



自題

折旋丹地無過酬應之篇絕少性靈吐露既賦遂
初欲盡剗去之客曰六一公有言以夸田夫野老
可也因存東觀草若干首他若使荆若折柳若盍
簪各以類次合廿載來奚囊剩言凡五種梓成輒
自悔曰甚哉結習之難忘也夫老馬脫銜伏櫪猶
振鬣長嘶不忘蹀躞病鶴摧頽戢翼猶跂足梳翎
不忘翬舉物情多係戀如此文士何獨不然雖然
身將隱焉用文之多愧介山矣周金然漫書

自題

一

東觀草

瀛洲寓公周金然著

保和殿館選恭紀

閒閨瞳矓拂曙天金吾仗下聽宣傳桓榮稽古承
恩日李白濡毫供奉年莖榜名從魚貫入瀛洲客
並鴈行聯獨慚華選無文藻祇獻丹心

聖主前

瀛洲亭述懷 館課

夙簪抱微尚終年事稽古所願古爲徒嬰情匪籍

東觀草

組昨歲上南宮華選濫充數肇登蓬山署羣彥相
接武優游託藝林黽窺祕府恐糜太倉餼忝竊
竟莫補幸從大賢遊誦法鄒與魯醯雞發其覆斯
道大全親從茲策步趨奔後寧復苦藹藹春風拂
幽幽虛亭午令德奉珪璋馨聞襲蘭杜觀摩朝復
夕奚啻窮四部及茲彥會辰素懷聊復吐

玉署古槐歌 館課

蓬山鬱鬱木天署虛星之精結根處曲榦盤空爪
作龍密葉垂青目爲兔雨過涼分上苑秋雲歸陰

東觀草

接西山暮儼若端士整衣冠獨抱幽芳信修姱或
如矯首摩蒼穹四顧中區莽回互列植休誇博士
舍婆娑寧入仲文賦亭亭長對玉堂仙歸實黃中
誰比數高柯未許雀爭棲古色自爲人愛護君不
見承華殿前連理枝尚書省內聲音樹總向天家
親雨露誰識儲材有深意養成繁蔭此森布秋實
春華不記年折旋丹地長披霧

詠史 館課

芸窗擁爐坐日取蠹簡譬古今閃石火榮落浮霜

東觀草

漚白龍困魚服變化不自由丈夫晚失勢磨劍上
陵丘東海射巨鱗寧爲鮑魚謀鹿馬走宮中豈爲
黃犬羞南山四老人安識項與劉好老復好少馮
唐已白頭片語能悟主快哉田千秋窮達匪由人
任運自沉浮東方饑欲死不及鳴雌侯

其二

鷄鵬式鼓鐘隕越戢其翊纓冕自羈縻難繫達人
志中散好養生懶慢多忤世不可復不堪我其知
希貴膏燭非不尤所虞中自傲飛鴻天外來偶然

三

與日值美汝適冥冥寧爲尉羅制

其三

子罕不寶玉所寶在不貪三獻卒勿受恐滋喪寶
慙匹夫冒懷璧賈害謚爲惑象齒適焚身德充富
莫敵天王復何需逐逐求金車

其四

世風日澆漓師友倫多黷富貴附聲氣生死覲面
目中郎九死餘辟書意何篤信宿歷三遷諮謀竭
嘉告知已而感恩患難忍翻覆跋扈自當刑故人

更觀立

三

自當哭不聞晏平仲枕尸廼遭戮千載公論存底
須漢史續

其五

朱曦麗天漢紫宿動太微素靈分鳳羽龍章冒虎
闌羣英皆振藻二陸更雄飛螭冠流清影豐貂表
逸姿並扶日月輪共整星辰輝明哲保其身高步
貴知幾匡時志未遂進趣徒獲譏竭忠被謗禍丁
秋有餘悲

其六

志士重酬恩愚夫狗亂國大義或不存無爲晉荀
息夸臯日無道拒諫猶拒敵鉏耰空觸槐伏甲攻
逾迫誰歟倒戟者宣子竟免厄餓夫念將毋一飯
終感激去矣翳桑人問名何可得

其七

客卿初見逐丞相具五刑何不早上書拂衣去秦
城黃犬誰爲牽狡兔走氣氣曷若安期生玉鳥雲
間鳴翩翩班護軍辛苦遠從征未論居延功空勒
燕然銘世事不可料高臺儵忽傾不能以智免嗟

東觀草

四

哉日賡明

其八

嘉遜以幽貞通隱殊未易柳下笑首陽工拙誰同
異一龍復一蛇龍飛蛇則蟄古來石隱客帶索或
擁絮嗒焉木同槁泥然舟不繫八鴻何所營半畝
有餘地噉肯舍靈龜觀我朵頤味

其九

古皇獄畫地法吏木爲刻後季科條繁逮繫滿園
棘州里潤書記公府恣符檄天地漸陰霾日月交

薄蝕粉然一何擾民命茲多辟暴秦誅誹謗實禍
迺蔽塞漢世猶相沿刻淺務綜核普哉仁人言緩
刑在尚德

其十

今年拜少翁明歲封樂大孰謂無神仙有時見海
外文成食馬肝五利亦誅死孰謂有神仙禁方舉
妄耳殤骨非仙才仙才安在哉大釣布羣物修短
一胚胎至人獨不朽不朽匪形骸

石鼓歌 館課

東觀草

五

太學廟門鬱嵒堯門下石鼓羅周遭從甲至癸十
爲曹森森環衛踰僂僂背如疴僕方承蜩腹如甕
卵石潛蛟沉沉蟠互斷足贅蟲蠹隆起崑崙尻何
年文書殞宋郊媯皇手補豈未牢蜀桐刻魚扣繆
繆毅然直訝無聲鞞土花蝕繡翻紫濤搜且抉之
微露坳摩抄徐見蟲篆雕乍讀難曉費揣料心摹
手追鈎畫交工王我避恐訛滑 原文工作
王我作避 左殘右
缺正鬱陶俄得一二意已消車攻馬同狩于教維
鱣維鯉貫楊條 原文
中語 詩意本出姬宣朝大蒐講武

氣象豪從臣揚扆筆陣塵胡然鐫碣取伐藝會開
三代銘勳勞文于鼎彝武鼓鐃以石爲鼓實其枵
不愁雨擊兼風敲垂示子孫奕葉遙治不忘亂鑒
孔昭前此周室已翹翹六服解體渙其膠重修文
武功德劬會同芾鳥更聯鑣維時選徒盛踞蒿射
夫旣同弓矢調小狔大兕灑血管以奉宗廟充大
庖迄今岐陽迹已遼如觀中興盛烈饒况有元臣
虎叔僚經營內方武肅潛王旅一震聲驛騷濯征
不庭靖俗傲瓚禹王田錫命褒歸坊天子不矜驕
雅詩迭奏鐫雲璈此其逸句附礪砢 木
今皇神武振古超聲靈赫濯莫蕩搖威行海外若
迅颺盡偃鯨波鋒鏑消重譯嚮風來迢迢敵愾之
賜彤弓昭肅慎之貢楛矢橐樂章更定成英韶猶
練軍實講蒐苗磨厓碑版久寥寥可無偉續表山
椒鋪揚雅頌觚孰操好藏太室永不祧誰歟能揮
史籀毫不數虎卧與龍跳請歌肆好繼松高寧僅
詹詹石鼓謠

車駕再謁

孝陵恭紀 館課

已觀車書萬國同會修昭告典儀隆鼎湖陰佑無
前績環海全收不戰功雲護蒼梧聯法從霜凝絳
闕凜

宸衷在天靈爽應昭格武烈文謨一氣中

其二

明威赫赫紹

先皇勝略恢恢更拓疆端拜寢園馴鹿繞肅瞻松
栢孝烏翔風迴馳道傳清蹕雪映靈旗覲耿光洵
是萬年弓劒地鬱蔥佳氣羣苞桑

暮春朔日

駕旋恭紀

春郊巡省方回蹕著雨纖塵故不揚堤柳遙迎仙
仗轉宮花近接

御衣香擁旄衛士驅長樂簪筆詞臣待未央見說

山川還望幸

至尊親爲決封章

時有疏請
東巡者

憫農詩

館課

蘓隆連三伏蔕收尚驕陽雨澤旣愆期有秋更奚
望農家輟耕嘆懸未空皇皇無麥復無禾八口鈔
充腸賦斂月有程垂橐竟何償脫襦可典粟連恤
寒無裳鬻子可輸稅追恤委路傍窮黎復何辜展
轉溝壑央維天縱

聖哲瞻言惻如傷永懷稼穡艱恒誦七月章高燭
徹齋屋不遺一流亡誰云九閭隔痼瘵乃若忘今
夏曠方徵日肝膽弗嘗呼天仰雲漢責躬法成湯
零壇甫祝釐甘霖應時降叶還憫三輔饑廣設蠲

東觀草

八

賑方邇者遠行幸憂旱時傍徨遐陬猶咫尺大號
渙琅琅遺勅虔齋戒厲禁屠豕羊犛禋嚴昭格瞬
息迴宮蒼孰謂天聽高無術邀豐穰嗟我有位者
主聖需臣良廉潔無胥虐本計敦農桑如彼安門
監繪圖達巖廊一德相咨儆民隱日周詳庶返凋
瘵俗擊壤歌陶唐

紀 館課

御書忠孝守邦四大字頒賜安南國王黎惟禎恭
聖人作觀萬國同海隅日出聲教通梯航歲歲爭

入貢椎髻喁喁羣向風南交外藩尤率職削平反側奏成功嗣王繼序罔廢墜仰邀封冊來呼嵩

天恩特與盟帶礪爰命詞臣東觀東詞臣拜命復陳請

帝德如天本至公維天有漢誰不仰盍頒

宸翰開荒蒙

帝曰賢哉黎氏裔殿邦恪守存與忠賜以擘窠大書四自

天題處光熊熊熊熊騰萬丈欸忽九霄亘彩

東觀草

九

虹森若星躔垂象緯爛如霞綺蒸碧空驚濤噴薄山嶽峙應龍天矯翔鸞翀尋常波磔安足擬定由天授匪人工自從遠古二儀闢庖羲爰畫破鴻濛蟲書鳥跡旋茫昧邕斯代變體勢窮晉唐代降描摹盡春蠅秋蚓相矜雄誰知

首出更神絕墨池涵洞呈瞳矐使臣驚喜奉至寶偃僂攀出蓬萊宮皇哉表鎮日南國蠻烟瘴雨都消融天球弘璧珍世世河圖大訓同欽崇遐方會未瞻雲日對此奚帝荷蒼穹禎拜稽首揚休命

東觀草

聖朝恩被何麗洪外臣悚惶復感泣永言無斃誓始終君不見

御書初頒琉球國海波如掌連天紅馮夸歌舞出綃坡島部歡呼散錦幪聲靈赫濯不勝紀已見銀鈎鐵畫中

署中對雪二首 館課

同雲垂黯黯密霰亂飄零蓬島銀爲闕瀛洲珠滿庭槐花全被介鹽虎儼成形授簡鄭枚在妍詞麗汗青

東觀草

十

軟紅何淨盡積素正瀾漫儷曲誰相和高歌獨倚闌光搖湘帙麗清逼玉堂寒鶴筆進行徑遠巡學步難

擬扈從登岱應制

數天宸對乍歌般旋擁霓旌秩望壇喬嶽百神齊戒道具茨七聖共陪鑾平臨象緯天門近俯瞰皇輿地軸寬最是傾陽葵藿性欣從日觀五雲端

其二

名山久望

七

翠華臨勝蹟叨陪

御帳尋掣電奎章驚虎卧懸崖飛瀑和龍吟蒲車
底用儒生議玉檢徒荒忝主心蕩蕩

聖朝辭紀績銘碑卽此插天岑

甲子元日朝賀

賜宴恭紀三十韻

四表皇風汾千秋景運遙普天新甲子率土慶今
朝魚鑰重關啓雞冠匝地標五雲浮杳靄雙闕露
岩堦複道風徐轉觚稜露未消稍聞宵漏徹俄見

東觀草



十一

曙星搖闔闔傳清蹕鈞天應紫霄冠裳百職萃玉
帛萬方朝邦典尊王會

宸衷重廟祧

先禮明堂

交龍聯翠蓋駟象安鸞鑣羽衛

森如壽車徒衆不驚

駕回三殿曉禮奉

兩宮饒

次詣兩宮行禮羣臣遙拜於午門

袞服山龍麗旂章日月

昭櫺明開左个直指建南杓簇仗中垂拱鳴鞭四

寂寥拜稽鏘劍佩表奏擁蟬貂九敘咸歌舜三多

競祝堯求章通譯象來辟合荒要日煦氛埃淨風

和律呂調花催溫室樹柳颺建章條退食無多暇

趨班早見招大官和脯醢雅曲奏簫韶

始設漢饌奏新樂章

藉地華裯接連天翠幄飄樽開同白獸盤錯間紅

椒珍果爭懷橘綢羹軟賜臬泰交春似海下濟澤

如潮秩秩過三爵師師徧百僚許身皆稷契致

主必黃姚已洽那居樂都忘盱食焦小臣躬盛遇

泰紀太平謠

擬

賜觀湯泉廳制

館課

東觀草



十二

神京湯沐枕扶風

詔許臣僚覽勝同天畔虞淵浚浴日仙家靈液迥

流虹陽生秦谷葭灰外地轉金輪火井中盡訝焦

溪長不竭塘陰故有醴源通

去泉數武有寒塘以劑其溫

其二

北平亦號古灤州中有丹砂沸沭流一道溫風開

洞壑無邊王氣護

陵丘

御溝暗接恩波暖太液遙分錦浪浮却笑灑山空

玉甃華清遺穢唾千秋

其三

灋山椒神漢呈貞觀古寺福泉名怪來地脈分
涼燠宛爾川途辨濁清蒸透雲根疑出乳煮殘石
髓借爲梗侍臣久幸沾

天澤更喜承

恩此濯纓

其四

龍淵漂處扈停鑾欲奏甘泉賦手難日近咸池偏

更見



十三

覺煦風高大漠不知寒翻珠噴薄鳴巖竇蒸霧氤
氲出樹端

聖德由來勤被濯勒銘卽此是湯盤

擬

駕過闕里致祭先師應制

有序

康熙二十三年甲子秋我

皇上武功大定文治丕昭禮備樂和百度修舉求
懿德以肆夏諏吉日而東巡徧詢閭閻周知
疾苦則登先人於衽席奚有於細旃廣厦之

安矣廼者省方廻蹕取道闕里特屈

萬乘之尊躬祀先聖皇哉非常曠典振古榮觀大
道之行千載一日也昔漢高自淮南過魯以
太牢祀孔廟維時戈鋌灰燼之餘儀文章略
猶傳諸簡編矜爲盛事

本朝定鼎後旣紹封其子孫崇飾其祠宇

皇上又臨雍釋奠講肄其書詔天下郡邑有司修
復廟學興起教化考其能否以定殿最薄海
內外嚮轍嚮風聖道益以光大矣今時邁其

東觀草



十四

邦則親行告虔焉雖溪山窮微傳聞誦說莫
不咨嗟嘆息蒸然鼓舞於學而油然而服習於
教不啻親炙聖人然者矧其近光而訓行者
乎夫服習於教者遠斯聖道愈以尊鼓舞於
學者衆斯聖道愈以明謂非邳隆啓運時雍
於變之機哉行且政不煩刑不黷而風行草
偃化馳若神微臣濫廁中祕匪敢自附聖人
之徒願躬逢盛典重爲斯道幸竊紀以詩凡
二十韻

濯濯休明運巍巍

睿哲皇虞廷符道法堯治煥文章丕冒功無外覃
敷德孔彰尼山逾化普泗澤益源長行地江河迴
經天日月煌古今惟至聖先後適相望政教胥同
軌君師豈異量高山常仰止吉日此成行恭值時
巡至俄生

駐蹕先杏壇猶肅肅冰漬自洋洋古檜參天直靈
著拔地蒼臣工齊儼恪多士各踴躍禮器瞻家法
祠官按典常兩楹風昔六佾備蒸嘗理協千秋

東觀草

十五

上誠孚一氣傍依微奏赫竹悅惚見羹龍始信斯
文在真成吾道慶絃歌無絕響俎豆有餘芳盛典
垂千祀榮光照萬方從茲儒術貴長翊

帝圖昌

三月三日瀛洲亭

韻得升字
館課

蓬山佳氣曉來澄靈日芳辰景倍增底用執蘭修
故事敢誇授問逞微能槐舒兔月青相對栢挺龍
枝翠幾層禊會本憑詩紀勝玉堂羣彥况同升

其二

聯袂數從芸閣登繞欄爛熳晴光凝蘭心柳眼風
細拂李徑桃蹊霞暗蒸曲水觴波祇泛灝華林翰
藻空飛騰爭如較理祕文暇和墨濡毫常數升

恭和

聖製閼河堤作八首

溫綸宣帳殿

肅藻發行宮

春切孤臣勤憂深比戶窮流言會不心惴竟潯
通稽首揚

東觀草

十六

休命欽哉懋乃功

已恭烝民粒猶卑太禹宮

宸衷邈自逸臣友敢辭窮次第金隄固綿延瀚海

通錫圭還朝

主成危亦成功

湯湯方割日高下盡鯨宮鴻羽欣安集人烟望不

窮衢歌忘

帝力

聖德與天通率作頻咨誠終垂永賴功

底柱徒穿漕宣房漫築宮負薪嗟不屬發卒迹安窮

二代三靈順神州九道通天工幸無曠疏鑿豈矜功

慮患籌桑土防微慎螳宮屏翳驕白逞罔象技終窮柳密漁家樂梁成驛騎通

皇情偏憫側辛苦八年功

爲徹民昏墊天家罷作宮祇承艱勿替底績利何窮輸輓軍儲壯梯航貢僅通藉非專任屬幾廢半

東觀草

七

塗功

六飛巡幸日駭浪息龍官川后應來辟河源定可窮委輸千派合呼吸萬艘通荒度臣何有憂勞仰聖功

瑞叶呈圖清祥開獻寶官河渠書用紀溝洫志難窮勤並榮允塞

恩從碧漢通賜舟承

寵賚益勵濟川功

賜河臣御舟

擬

東觀草

聖駕東巡登岱應制三十韻 館課

東巡稽舜典肆類監周官不憚

皇躬勩周咨海甸安復除知疾苦供億閑艱難省
綺頻移蹕觀桑夙命倌明昭方肆夏哀對卽歌般
樹列旌門闌峰迴帳殿闌前驅青靄散後乘靄雲
爾自古云亭禪空傳秩望壇祀林先有事梁父號
策觀瀕洞重開闢扶輿迥鬱盤百神羣望幸七聖
競陪鑾自御馳烟路風師埽石磐宵冥千瑞合紛
旋萬靈歡日月凌高掌烟霞拂射干千尋開步障

東觀草

十八

九折入雲端吳練天邊出秦封江口蟠暗泉鳴
窳空翠疊噴蜺琅動三光協平臨萬象寬森羅丹
菡萏拱立碧琅玕觸石疑雲起褰衣覺露溥仰攀
無過鳥直上欲驂鸞險隨行變關河極望殫雞
鳴三觀啓龍馭九霄看高躡飛仙跡低眺白日丸
介丘登豈惡碣石志寧刊神府陰陽會天門象緯
攢懷柔歆秩秩震疊凜桓桓
睿覽窮幽鄙

宸遊節汗漫比隆班輯瑞底事喻封巒却笑蒲車

議儒生總面謾

靈雨篇 館課

三春饒霽景令序復朱明麗日暉暉淨和風習習
輕麗日和風醉花鳥

帝城祇覺年光好誰知九野憫三農雨澤愆期麥
苗稿麥苗不秀苦長饑高下田禾況失時天連三
輔呼雲漢地接中州嘆坼龜編氓安得回天力強
欲開渠無史白

深宮宵旰念民依早惕桑林六事責責躬自古紀
夏見章

成湯爭似病瘵切我

皇監門底用陳圖繪長孺何煩擅發倉遄勅尚官
行賑給毋令後時嗟莫及被災仍復議蠲租大哉
王言胥感泣誰云天聽幽且崇雩壇未禱意潛通
不須登豆紛瑤席豈有琮璜肅紫官歛爾陰雲蒸
遠岫須臾八表昏清晝九疑突兀列屏遮五嶽綿
連張幙覆遙聞天末殷輕雷儵忽翻車動地來絕
壑轟轟蛟欲舞深林漠漠鳥爭迴初聽滴瀝喧檐
瓦旋向庭軒徧霑灑冥濛一望淨氛埃肅霽無聲

潤郊野歷亂蕉桐憂擊鳴潺湲懸雷瀑布傾涇清
馬牛渾不辨直挽天河洗甲兵

九重烟霧迷黃屋但餘雙闕雲端矗新漲盈盈失
畫橋近塢遙林一片綠濃綠沉沉暗接村溝塍滾
滾銀濤奔平疇桑柘陰森列大澤魚龍浩蕩翻無
邊積翠連峰色橫亘長虹跨澗赤家家秉耒更相
呼好及漸濡藝黍稷貽我來牟枯復新啓啓八口
慶茲辰應是天心惻民瘼不然田祖顯明神詎知
勤恤勞深殿精誠邀得高穹眷鞭霆掣電不崇朝

東觀章

湛恩汪濊九垓徧兩岐呈瑞達巖廊指顧千倉與
萬箱史臣珥筆書大有康衢擊壤歌陶唐小儒幸
際雍熙世虛糜廩祿徒滋愧曾無求請通神明那
有商霖施旱歲欽惟

聖德能動天稽首長謠靈雨篇常願

恩波浹萬國玉燭調來彌億年

早朝積雪大韻

曉入珠宮白玉闌清光還似月中看梁園簡未思
抽祕東閣梅先憶寄官消處幸承仙掌近和來洵

覺郢歌難遙知方岳朝宗地早被陽和散積寒

其二

聖朝儉德幾會闌一夜瓊瑤布地看丹闕俄添摩
詰景青氈冷逼鄭虔官螭頭照耀依光切驚序迷
離辨色難退食從容歸院去霜蹶盡覺帶餘寒
乾清門引見散館大韻

雪晴鰲禁滿清輝玉映鵷班傍綺屏咫尺分明

臨御肅端詳次及姓名微好瞻雲日尊堯德難繪
山龍補舜衣升降猶虞滋隕越皇皇形陛凜

東觀草

天威

冊封琉球紀瑞四十韻

聖代聲靈赫中朝錫命優普天咸奉朔率土徧共
球勳並榮光塞恩將協氣浮人神胥悅瓊河嶽總
懷柔憬彼琉球國欽哉職貢修皇皇封爵請欸欸
典章求大化行無外高穹覆必周詞臣將

寵命使節下遐陬但信風來往寧論日滯畱中山

茫宵宵東海浩悠悠島部通南北飄檣及夏秋萬
山朝似笏百谷瀉如油綽有乘槎意都忘候柁謀

東觀草

天章雲漢倬寶冊日華浮光燄蛟騰窟虛空蜃結
樓先聲驅海若大順効陽侯地入高華嶼星迴古
米洲龍跳怯鼉尾鯨跋避銀鈎捲霧馳飛翼恬波
帖伏虬神魚知命侶靈鳥解呼儔蔽日團華蓋隨
潮夾彩舟山俄逾馬齒豁忽滙龍湫日御開賜谷
風師退石尤虛無疑落際恍惚見牽牛松嶺紅霞
合那門翠靄稠寵靈承

帝眷呵護得神庥拜舞羅帷髻瞻依託綴旒自今
天澤渥永絕歲心憂純佑蠻荒國長逢大有秋

東觀草

風希堀堞沃土足旣宴並育躋仁壽相攜喚出遊

黃童驅篠馬白叟策藜鳩幸獲瞻

宸翰何殊陟帝丘喧喧比戶慶攘攘載塗謳文物
連三島風聲溢九州觀光邀胄齒入侍仰

皇猷彼以輸忱至我將介賚酬梯航萬里接琛賁
八荒收化洽扶桑外恩覃瀚海頭謾言符瑞事惟

德迓天休

保和殿 御試恭紀次韻

黃麻宣出未央宮授簡先披拜獻衷保泰何知經